

---

EW NAMOPUNG

---

A awora ukukun \$2,650 seni ewe Monienapen ewe Legislature-un Chuuk ren fan asengesin niwinin unumon (3) kangof seni ewe Truk Hospital ren ar repwe no fiti ewe American Pacific Nurse Leadership Conference non Saipan, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$2,650 ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengesin an epwe atufichi unumon (3) kangof seni ewe Truk Hospital ren moor won sepelin, ar per diem, moon war chitosa, moon ar fiti mwiich me insurance nupwen ar repwe fiti ewe American Pacific Nurse Leadership Conference non Saipan.

Tetten 2. Ei ukukun moni mei kawor non Tetten 1 epwe einet ika nogeni ewe Director-un Putaen Health Services, ewe epwe wisen tumunu nounoun me mwokutukutun ewe moni fan iten ewe Legislature, ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen Legislature-un Chuuk.

Tetten 3. Ewe Director epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni, fongon me ukukun nussun mei chiwen wor non April 1, 1982; pwan

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och soposopun repot epwe pwan kawor nefinen 20 ran me murin soponon ewe Fiscal Year, ngeni ewe Legislature ika ew Committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan ika a kapunguno me ren  
ewe Kepina, ika pusin winiti annuk, nge esemwo kapunguno.

Sain seni: Eduard C. Wainit  
*ECW* Tadashi C. Wainit, Speaker  
Truk Legislature

Annetata:   
Datasi Albert  
Legislative Clerk/Secretary  
Truk Legislature

Pwinin maram: June 19, 1981

Kapunguno seni: Erhart Aten  
Erhart Aten, Governor  
Truk State Government

Pwinin maram: July 2, 1981